

Widder die vnchrist- liche Vermanungsschafft / des Bis- thumbs zu Naumburg /

Durch Matth. Flacium Illyricum.

Marci 8.

Hütet euch vor dem Sawerteig der Phariseer vnd Herodis. Denn ein wenig sawerteig verseurt den ganzen teig/wie Paulus bezeuget.

Marth. 7.

Sehet euch für/für den falschen Propheten / die in Schaffsklädern zu euch kommen (als die Apostolischen/ Catholischen/ Ordentliche / vnd Orthodoxi) inwendig aber (das ist inn der warheit) sind sie reissende Wolffe. An ihren Früchten solt ihr sie erkennen. Kan man auch drauß lesen von den dörnen/ oder feigen von den disteln: Das ist/wie ists möglich/das die Antichristische wolffe/ welcher Teufflisch Gottlos leben anzeiget/das sie gantzlich keinen Gott glauben / si vnser Seelen recht sorgen werden?

Wider die Auctorität

der Philosophen und
Arzt in der Natur

von Johann Christoph

Wider 8.

Es ist nicht nur dem Glauben der Philosophen und
Arzt, sondern auch der Natur selbst, die wir uns
zuwenden müssen.

Wider 9.

Es ist nicht nur dem Glauben der Philosophen und
Arzt, sondern auch der Natur selbst, die wir uns
zuwenden müssen. Das ist die Wahrheit, die wir
suchen müssen. Die Natur ist die Quelle aller
Wissenschaften. Wir müssen uns der Natur
zuwenden, wenn wir die Wahrheit finden
wollen. Die Natur ist die Quelle aller
Wissenschaften. Wir müssen uns der Natur
zuwenden, wenn wir die Wahrheit finden
wollen.

Es ist newlich ein Büch
lein ausgegangen/mit diesem Tit-
tel. Christliche ermanung / welche
die Seelsorger des Stiffts Naumi-
burg bey der Tauffe/Abendmal/
verehelichung/vnd bey den Francken gebrachen
sollen vnd mögen.

Der Schreiber hat entweder nicht gedurfft sei-
nes namens gedenckē/auff das er nicht zu schan-
den vber solchen finantzen würde/oder hatt nicht
gewolt/auff das er desto besser betriegen kōnte.
Aber es ist leichtlich zu mercken/das es ein listiger
Papist sey. Denn er setzet etliche gute stück hinein/
vnd mengt gleichwol fein heimlich Antichristi-
sche giffte darunter. Das ichs aber nicht lang
mache/so sehe ich wol/das ers vmb diese folgen-
de vrsachen hatt in druck lassen ausgehen:

Erstlich/das auff diese weise beyde die Lerer
vnd Kirchen fein sewerlich sich gewehnen hinsür
der immer newe fündlein/ordinationes vñ refor-
mationes von den geistlichen juncckern anzunemē/
vnd sich also fein gemehlich wider zum Babst in
Egipten keren.

Zum andern/das er auch die zuhörer mit einer
herrlichen/schönen/vnd wolcklingenden rede(wie
er denn diese seine gantze ordination in seinem
Büchlein mit seinen höffischen vnd prechtigen
worteaussputzet vnd austreicht)vnd mit andern
köstlichen vnd nützlichen dingen zu sich reitze vnd
locke/gleich als were dieselbige lehre des Babsts
vñ sein/vñ der Antichrist so nicht so gar schawrtz

vnd schenslich/als ihu wol der Luther gemache
vnd abgemalet hat. Denn dis ist jtz der Papisten
kunst/das sie etliche sprüche vnd rede vnserer lehr-
rer brauchen/vnd sich damit bey dem gemeinen
mann schmücken wollen/gleich als ob sie jimmer
solche lehr gehabt hettē/vñ als hetten sie nie nicht
gesündigt.

Zum dritten/auff das/wen Ja die Enange-
lischen Prediger seine lügen vnd vnürzes ge-
schwetz anzunemen sich wegern vnd wehren wol-
ten/er deste bessern fug vnd recht habe/sie vnter
einem solchen feinen schein/von ihren emptern
dieses orths zu entsetzen vnd zuueriagen/vnd
spreche. Ja sie sind so halstarrige/stoische/störris-
ch vnd eigensinnige leute/das sie das jenige/
was recht vnd gutt ist/nicht annemen wollen.

Vnd wenn ihu nun diese schantz ge-
riete/das er sie alle vertrieben vnd veriaget hette/so
hette er schön gewunnē/vnd were des Babstumb
am selben ort schon widder auffgerichtet.

Zum vierden/auff das er auch also die An-
tichristische vnd Teuffelische giff mit seinen
freundlichen/süßen vnd holdtseeligen worten/
vnd vnterweilen auch ein böse Papistisch stücklein
mit vnterlauffen lasse/vñ in der frommē Christē
hertze fein seuberlich eintreuffete. Denn er treibet
dis mit allem fleis/das im Sacrament der gantze
Christus sey/vnd spricht auch darzu er sey das
lamb Gottes. Welches er nur derhalben thut/
auff das dieses hernach daraus folge/vnd sich
fein schliesse/nemlich/darumb sol mann dieses
lamb opffern/vnd darumb können auch die sün-
de der

de der welt durch die Mess hinwegt genomen vn
vergeben werden. Denn mit diesem wil er das be
deutet / vnd in der fromen einfeltigen menschen
hertzen ein solch bild vnd gemelde entworffen ha
ben. Gleich als solt Johannes der Teuffer mit
ausgestracktem finger auff den Bapst/Bischöffe
oderauff einen Messpfaffen/wenn er mess helt/
weisen vnd sagen/Sihe da/dieses ist das heilige
lamb Gottes/das der welt sünde tregt. Also
hawet dieser verführer fein heimlich vnd gemeinlich
den grund der Messe?

Ich weis zwar wol/das die Papisten wun
derliche vnd seltsame Rechenmeister sind / denn
sie können das/dauon der Herre Christus sein le
benlang nichts gewußt hat/durch ihre scharffsin
nige vnd Fluge rechnung finden / das brot blut
sey/vnd wein der leib Christi sey?

Der Herre Ihesus/dieweil er gewißlich von
der grossen scharffsinnigen/subtilischen subtilitet
vnd weisheit des Bapsts vnd seiner Sophisten
vnd Sorbonisten/nichts gewußt / hat er schlecht
einfeltig vom Kelche also geredet/Das ist mein
Blut/vnd vom andern stücke/Das ist mein leib.
Aber wenn Christus itzunder hie persönlich auff
erden noch lebte/so würde er entweder vom An
tichrist vnd seinen Curtisanen dahin gezwungen
werden/das er also sagen müste / Dieses / von
welchem ich vorhin gesagt habe / das es mein
leib sey/widder ruffe ich itzunder/vñ sage nun al
so/das es beyde leib vnd blut sey/vnd alles was
du allerheiligester Vater Bapst mehr haben wilt/
oder er müste sampt den Ketzern verbrant werden.

7 Auch können diese feine spitzfindige leute
durch ihre etzliche wunderliche vnd seltsame conse-
quentz vnd volgerey also rechnen vnd schliesen/
So das der leib Christi ist/so ist es auch der gan-
tze Christus. Item/ so das der gantze Christus
ist/derhalben so ist es auch die gantze dreyfaltig-
keit. Schaw doch da/lieber Christ/das ist die ne-
we weisshheit/aus einem kleinen bislein brots die
gantze Dreyfeltigkeit zu machen. Von welcher
weisshheit die Apostel / auch der Werr Christus
selbst lauter nichts gewußt haben. Denn wenn ih-
nen dauch etwas bewußt were gewesen/ so hetten
sie one allen zweiffel vberaus viel/wie mann die-
sen Gott brott ehren solle / geschrieben vnd geles-
ret/als die doch zwar sunsten auch von der knech-
te vnd Wegde emptern viel geschrieben vnd ge-
lehret haben?

Aber weil wir Christen / wie S. Paulus
zengt/nicht nach etwas höhers denn in der heili-
gen schrift geschrieben stehet/dencken vnd trach-
ten sollen/Derhalben woller wir mit vnserm lie-
ben Werrn Christo/mit den heiligen Euangelistē/
vnd mit S. Paulo also sagen vnd gleben / das
dieses nur der leib/vnd jenes nur das blut Chri-
sti sey. Vnd wollen dem Antichrist seine weisshheit
lassen/welcher/dieweil er sich nicht an der einfelt-
tigen form vnd gestalt der Religion/wie sie Chri-
stus selbst eingesatzt vnd geordnet hatt/benügen
lest/ihm nun eine newe macht/One allen zweiffel
viel bessers

Der ander grobe irthumb in demselbigen
büchlein ist dieser/ Das dieser geistlicher man aus
dem

dem Ehestande nach des Pabsts meinung ein
Sacrament macht. Vnd dieweil mann nach dem
gemeinen sprichwort/eine lügen zu besterigen/ sie-
ben andere lügen bedarff/ so begehret er noch vber
das/das er diesen irthumb verteidiget vnd bestet-
tigt/ein ander grosses laster/nemlich die schend-
liche vñ lesterische Gotsdieberey. Denn er wissent-
lich des heilige Geistes wort verkeret/vnd der hei-
ligen schrift zeugnis mißbrauchet. Aber von dies-
er Gotsdieberey wollen wir hernacher weiter
sagen. Ist wil ich allein von diesem irthumb
handeln.

Das der Ehestand nu kein Sacrament sey/
ist von vielen gantz reichlich vnd vberflüssig zu
vnsrer zeit beweiset vnd bewert. Denn es ist ein
stück/das zum weltlichen leben gehöret/vnd wud
beide bey heiden/Türcken vnd Jüden gehalten/
Gibt noch nimpt dem heilige geist/vnd vergeltung
der sünde nichts/wie auch nicht/das einer knecht
magt oder Herre sey. Denn die Sacrament sind
eigentlich etliche eusserliche zeichen vnd Caremo-
nien/oder Gottes wirkunge gegē vns menschen/
mit welchen Gott seine zusagunge von der verge-
bung der sünden vns verbindet/vnd mit welchen
er auch/als mit etlichen sigeln vnd bittschafften
seinen veterlichen willen gegen vns menschen be-
zeuget. Dieweil nu der Ehestandt keine solche
Gottes wirkunge gegen vns / auch keine solche
eusserliche Caremonia oder zeichē ist/damit Got/
das er vns entwedder gnedig oder vngnedig we-
re/zeugnis gebe. Derhalbē ist er kein Sacrament/
sondern/wie ich gesagt hab/ein stück des weltliche
lebens/

lebens / welchs nichts mehr zu der Christliche
en religion gehört / als diese volgende stücke/
Burgermeister ampt / Schuldtheissen ampt / Ken
ffen / Herr / Knecht oder magt / Keller odder Koch
sein / vnd was nur dergleichen stende in der welt
mehr sind. Ja die alten haben auch von diesem
Sacrament nichts gewußt. Denn Rabanus
Maurus ein Bischoff zu Meintz / welcher doch
ein gar newer scribent ist / erzelet nicht mehr denn
diese Sacrament / die Tauffe / Firmung vnd das
Abendmal des Herrn / vnd bezeugt klerlich mit
ausgedruckten worten / das der Sacrament nur
so viel sey / vnd nicht mehr.

Also auch Dyonysius / welchen mann Arcos
pagitam nennet / da er mit allem fleis die form
oder gestalt / vnd die Ceremonien der Kirchen erze
let / vnd die eusserlichen Ceremonien vnd gepren
ge bey den Sacramenten fleissig abmalet / ges
denckt er doch nirgent nicht / auch nicht mit einem
einigen wörtlein / das der Ehestand ein Sacra
ment sey.

Von diesem aber habe ich derhalben etwas
lengers wollen reden / auff das ich darmit einem
jedern diesen irthumb des Bapsts zuuermeiden
erinnerte vnd anzeigete wie der Antichrist nach sei
nem gutdüncken vnd wolgefallen / aus weltlichen
dingen (wie denn ihm solches gezimet vnd woll
anstehet) geistliche dinge gemacht hat / vnd widde
rumb aus geistlichen weltliche dinge / vnd also
alles hin vnd widder on allen verstand durch ein
ander gebræuet vnd gemenget hat.

Nun wil ich sagen von dem Kirchen raub /
das

das ist/wie der Babst vnd dieser fromer man/ben
heligē spruch des heiligen geists/ welchē er durch
den heiligen Apostel zum Ephesern am 5. geredt/
teuffelisch verfelschet vnd Gotlos ausgelegt hat/
welcher also lautet. Das geheimnis ist gros/sich
sage aber von Christo vnd der gemeine. Das aber
dieses des Apostels eigentliche vñ gewisse meinūg
sey/gibt genugsam anzeigung/beide die natürliche
eigenschaft vnd krafft der Griechischen sprache/
vñ auch der context/oder die ordnūg der rede selber

Diueil ich aber mir nicht fürgenomen hab
von diesem spruche etwas lengers zu handeln/
so mag der Gottfürchtige leser in den Annotatio-
nibus Erasmi vber diesen spruch/da er nach mei-
nem verstande/den eigentlichen vnd natürlichen
verstandt dieses spruchs rechtschaffen genugsam
ausleget vnd verklärer/dauon weyter sich erkun-
den vnd erlernen.

Diueil aber die Papisten itzt zu vnser zeit wol
wissen vnd verstehē/das dieses der ware/schlech-
te vnd natürliche verstand dieses spruchs sey/ so
sage mir doch mein lieber frommer Leser / aus
waserley wüten vnd toben / meinstu wol/ mögen
sie sich doch bemühen/ odder was für ein geist
mus sie also treiben/ das sie mit wissen vnd willē
des Allmechtigen Gottes wort also wütenhaff-
tig vnd Teuffelisch verkeren vnd verfelschen?

Der heilige Geist spricht / Das ist ein gros
wunderbarlichs geheimnis/ das sich Christus
mit seiner lieben Kirche also verbunden vnd verei-
nigt hat.

Der Antichrist mit seinen Psaffen spricht /
B das

das die verehelichung mans vnd weybes ein Sa-
crament sey. Denn ich wills also haben/ vnd be-
zeuge das auch mit der heiligen Schrift/ welche
nach dem heiligen schrein meines hertzens also
lauten mus. Wers nicht mit mir helt/ den wil ich
verbannen vnd verbrennen.

Derhalben ist's beyde anderswo her/ vnd
auch hieraus klar vnd offenbar genugsam/ das
der Papsst mit seinen geistlichen kindern mit gu-
tem wissen vnd willen die warheit nicht weis /
Ja viel mehr / weil ihn der Teuffel also reit vnd
besessen hatt/ die erkante warheit verfolget.

Darumb sollen auch alle Christē solche wol-
ffe gantz vnd gar für Gottesfeinde halten / vnd
mit ihnē nicht anders handeln vnd vmbgehē/ als
mit Zöllnern/ Weiden/ Türcken/ vnd Jüden. Ihre
weltliche herrschung oder auch Tyranny/ wens
ja also sein mus/ mögē sie leidē/ wie sie denn auch
Gottseliglich (so ferne es das Weltliche Regi-
ment belanget) einen Weidnischen vnd Türkis-
chen regenten dulden vnd leiden könten. Aber so
ferne es die Religion vnd Gottes wort betrifft/ sol
man sie für einen fluch halten/ nach dem spruch
Pauli/ So auch wir/ oder ein Engel vom Him-
mel/ euch würde ein ander Euangelium predigē /
der sey verflucht. Item/ was hat das liecht für ein
gemeinschaft mit der finsternis/ vnd die feinde der
stimme Christi/ mit den Schaffen / welche die
stimme Christi hören.

Item/ wie Johannes der Apostel sagt. So
jemandt zu euch kömpt/ vnd bringet diese lehre ni-
cht/ den nemet nicht zu hause / vnd grüßet ihn
auch

auch nicht/Denn wer ihn grüßet/ der machet sich
theilhaftig seiner bösen werck. Darumb müssen
die Christē mit solchen wolffen nach dem befehl
Christi handeln/wie mit Zöllnern vnd Dieben.

Es ist noch vber alles/das oben gesagt/auch
bis zu mercken/das der Teuffel dem Pfaffen sol-
chs hat eingegeben/ das er sein geschmeiß eben
da vorhalten wil/wenn am meisten gefahr ver-
handen ist/als bey der Tauff/ wenn man Com-
municirt/vnd bey den Francken. Da man am we-
nigsten die gewissen betrübē solt/da kömpt er/vñ
wil die gewissen mit seiner listigen Sophisterey
stürzen/Denn vber alle das ander werden die be-
trübten gewissen dencken/ sihe/wie gehts zu/ sol
ich mich nu durch ein Gottlos Papistisch ge-
schwetz lassen berichtē? thu ich auch recht für
Got?vñ wirt also das Sacrament entpfangē ihm
zū verdammnis/vnd könt der Francke etwa in zwei-
ffel fallen vnd darinnen sterben.

Darumb wiewol dasselbige büchlein sich lest
ansehen/als hette es eine Engelische larue/so ist
doch der Delliſche schwarzze Teuffel darunter.
Derhalbē sollens eintrechtiglich alle frome Chris-
ten/Prediger vnd Zuhörer/vnd alle die Kirchen
im Stifte Naumburg meiden vnd verfluchen/
Wollen sie anders dem Heiligen Geiste ge-
horchen/der da saget/ So euch einer ein ander
Euangelū bringt/der sey euch ein fluch.

Got gebe vns den heiligē Geist/das wir dem
Teuffel widderstehen mögen/vnd erlöse vns von
dem vbel/AMEN.

Gedruckt zu Magdeburg bey Christian
Köddinger. M. D. L.

Die Papisten zu Zeitz (wie ich denn von vielen glaubwürdigen leuten bericht bin) habē wol-
len nach ihrer weise vnd gewonheit/das lei-
den vnser̄s Herrn Ihesu Christi/ spielen / wie sie
denn sonst nicht anders thun / denn das sie die
gantze Christliche Religion/in ein affenspiel/vnd
darneben in einen jarmarck̄t verendern. Da nu
am Palmtage die personē/die dazu verordnet wa-
ren / sich versuchen wolten / ob sie bereit vnd ge-
schickt dazu weren/da ist der jenige so der Papisten
Christus hat sein sollen/so bald er zu seinen larnen
Aposteln komen/nidder zu tod gefallen/begrabē/
vnd vielleicht zur Welle gefaren / aber am dritten
tage nicht aufferstand. Was aber Gott da-
mit anzeigen will / ist leichtlich zudencken/ nem-
lich / seiner Kirche zeiget er an/was er für grossen
lust habe an den Antichristischen Cæremonien
vnd Adiaphoris. Den Papisten aber will er als
so viel sagen / Du fromer Antichristischer hau-
ffe/weil du ja nicht leiden wilt/meinen waren/
rechten vnd seligmachenden Christum / sondern
setzest an seine stat/einen larnen Christum/vnd ei-
nen geuckelspieler/so will ich dir hiemit anzeigen/
das ich auch deinen falschen Christum nicht
leiden will/Sondern will bald wenn mein
Zorn ergrimmet/euch in diesem vnd in
jenem leben/alzumal ewere k̄öpffe
mit eisern sceptern wie t̄öpffe
zurschmettern.